









劉本先生文集卷之八

前翰林院庶吉士鍾丘鍾泰



塔康處乾校


孟池

序三

送李弘

弘室李君教我難忘士五年矣今夏得疾不告

以不無於公不... 門帝... 然... 運... 里何



鈍菴先生文集卷之八

前翰林院庶吉士雞丘鈍菴劉

錫著

男

孟池

編

壻康應乾校

序三

送李弘室廣文東歸序

弘室李君教我雞澤士五年矣今夏構疾不告
上官不謀僚友不語門第飄然棄官還鄉里何



其視富貴之輕而處身名之決也君性方事有所不可不能詭隨人上下齋課外日閉戶讀古人書一切交游至簡君其狷者耶予聞君疾方擬一走訊居無幾何君行矣人方此時說進退大節孰不侃侃迄處功名既慨白髮又惜朱輪縣車暮年夷猶林墅真幾何人哉推君志也不愠三已可也人有言無官一身輕君東歸身且輕矣家鄉多好林泉日與可人卧雲詠風對壺觴析疑義卽病且脫然去亦復念吾庠舊遊不

君之歸制得致仕有如君開堂延客卽命之曰
見一可也吾庠士子稔君教重惜君以疾倏忽
去迫予言寄贈君真師乎哉何其感士子深也
雖然君此行在師道甚重所以身教士子甚遠
諸士子無獨惜君別云

送楊前原分教河汾序

前原楊先生奉檄選曹貳山西汾州教事予合
諸知舊送其行西郭有為前原惜者其言曰今
之官稱卑冷止廣文是故起家儒祿其所厭居

而規逝者亦止廣文前原幼蔚文聲年正疆仕
績其學足以有待而大所就卽坐候銓取當不
失一有司官少烜赫行所學乃以毋老就今職
謂人材何前原則唯唯有為前原慶者其言曰
今之官惟廣文稱卑冷亦唯廣文稱安逸彼事
事雜途既領一切冗辱動遭箠叱其位稍尊權
稍顯則又責任漸重勤勞旦夕惴惴槩觀一時
當路人誰非鞅掌簿書而奔走資調者乎前原
乃能以吏隱優游祿仕何其高也前原則唯唯

謂遊廣文卑冷者豈以其廉于祿而盛于權

予謂近廣文卑冷者豈以其廉于祿而嗇于權乎此非所以說卑冷也 朝家官人首重科目

其所漸磨涵育之者寔唯學校是賴凡郡邑之人幾業儒不十一拔而教之學校又不十一是故學校者精英之聚而科目之由也于是乎以數人作之師是師一郡邑是師科目也此可以言卑乎哉 祖宗訓士之今日有習月有試隨校其勤惰而序其高下故士子于其師均尊且親之即其職務蓋非可草草日月計效其士之

尊之親之視諸烜赫聲勢民外畏而衷離者何
似是則廣文殊不冷不能廣文者冷之耳若辭
勞而厭羣安優游而惡閒冷則又知二五而不
知十矣昔宋胡安定公始教蘓湖竟乃受之君
相傳師太學為一時名臣三晉實唐虞故都河
汾又文中子之里雍熙舊俗道德源流何啻與
蘇湖等前原以溫裕之性談博之學純萬之心
取所以教蘇湖者用之 聖朝久道化成之後
予固知身教之益行而士之易化也謂非今之

安定也可乎况儒官多暇舊業可溫雅俗相安
新聲易立又便以取科第陟通顯耶是故職誠
盡廣文足報 國祿誠安廣文足養親之志夫
學者所以學為忠與孝也苟忠且孝矣雖實卑
冷而勞動猶為之又可辭乎廣文嘗歎今日義
利之辨不明仕途大都常例積弊安恬汙辱即
廣文之于士子以科條行催督名教而實權之
利者何限 朝家分職右文之意端豈然哉我
前原雅志羞此我前原太夫人雅教羞此知當

金者之集
卷之八
四
不易其素耳前原行矣努力明德慎終于始他
日宦成興闡東園可游長林足憇舊香濁酒晚
節黃花還肯共我白髮徜徉終老否前原辟席
拜予辟席拜乃三觴三揖目送文鹿

送郝近溪分教新鄭序

近溪郝君拜河南新鄭縣儒學司訓其文會友
人送之河之滸將觴之郝君請曰予違諸君漸
遠實難就正諸君何予教用慰瞻訴之私或告
之曰日來文體頗又苦刻板太多士子罔所程

式是故浮泛冗長日滋近鄉會試魁卷多簡切
是取實用風天下顧俗未易頓變也君雅良於
文况新鄭又文獻地文教易入痛剗記誦蠹發
已見為簡明平易語卽新試魁卷縣格合矣上
風之而下不應司訓者有責焉君其謂何郝君
曰謹拜教抑又何加或告之曰日來經旨實以
小道破碎士子戡書取一切隊仗講語卽照卽
傳註罔識文試之渾乎其通學也義析之茫乎
其未入也君以朱氏詩名吾邑本傳訓經不藉

長說聞者解頤茲談經新鄭抑能持之堅不以
習變允哉師矣郝君曰謹拜教抑又何加或告
之曰夫儒官若小師道甚尊士訓若微幼養甚
急日來師席起于士子鮮所模範或乃競刀錐
末破顏拜體弗恤是故士子視其師蔑如謂其
徒糜祿罔士為也矧曰矜式之云乎郝君居鄉
以孝弟稱茲行也肯壞其修于家者乎至誠動
物厥有真機身正道行通乎其下况士之讀書
識義理者乎師道立則善人多以正文文滋正

也以談經經滋明也郝君有意哉郝君曰有是

也。以談經經滋明也。郝君有意哉。郝君曰。有是哉。謹拜諸君教服。以周旋。乃三觴。三揖。目送琴瓊以別。

贈張山泉教授休寧王序

上黨山泉張君教我雞澤士。蓋四年往也。銓曹最厥績。請補韓府休寧王教授。君子曰。榮哉。以師相也。天下之權莫專于相。天下之分莫嚴于師。天下之富貴莫加于親王。親王屏翰帝京。延長國脉。莫遶藩之要。韓府寔居陝西平。

涼平涼外捍北虜內域諸夏磐石之宗于是乎
在丈夫雅抱猷為得一試以禪便足信志况乎
以師之嚴重以相之專行之其郡王也顧不崇
哉強榦固本 國脉攸延吾諒張君欣欣此行
也漢西京高人稱賈董賈長沙相董河間相休
寧者其分固今長沙河間而賢則異今諸王教
授固漢王相之權而師之道則又嚴也張君教
我雞澤寔多善人將不使休寧王益為賢王哉
師相勛名行後賈董而三也顧不榮哉或謂宗

寶自尊教言難入甚則自掇辱耳嗟乎至誠物
動厥有真機身正道行通乎其下况藩王之尊
哉我真師也真相也何有不師相我者乎行矣
張君無自疑

送張前溪教授宣寧王府序

外翰前溪代州張君教士雞澤之五年榮晉代
府宣寧王教授門下諸士子需言展贈君文心
服諸士子今茲晉也當以文見禮宣寧予還與
說文可乎人有言文章一小伎差乎哉文何小

自天地六經之文姑弗論古來說疏事文凡幾
種闡性命之秘詳理亂之畧不出戶庭對千古
聖賢識百王禮樂厥用大矣彼萎弱其氣瑣沓
其詞文之不文人且厭焉則其小之也固宜人
有言文章與時高下差乎哉文乃下時乎哉董
子對策媲美賈生韓柳摘辭埒微燕許平淮西
碑段文昌富貴何似乃卑官毀石語贈炙人口
無窮時何限焉或者見承平人物多事記誦剽
竊便謂文有時乎下惡剪綵而醜春華厭績畫

之粗薄風水之渙之奇可乎哉予友張君

之粗薄風水之渙之竒可乎哉予友張君君
說經義簡易明白聽者解頤下筆濤濤數千言
不涸體製取裁左馬近體諸詩一宗盛唐宜入
堂奧代州山盖有石鼓云君歌古鼓儼韓杜氣
小小折簡簡切清媚不減晉人語文乎哉予戊
代州且二紀州風土予熟州南北兩山抱州如
玦沱水流州南西下南映南山如畫山時出雲
雲繞山戀戀依違欲去旦莫萬峯堆翠如脫新
染予心醉焉州素夥科目甲三晉君宜文乎哉

宣寧府開在澤澤于三晉稱富裕 王受封

來雅以好禮聞寔漢東平君右文濟直道即董
賈何讓顧賈會王相不際東平東平賢也其相
又不獲董賈君相 宣寧是董賈東平遇也君
文益用哉我庠士得君教勃勃乎善文君行矣
思君宜何置予為君解諸士子曰前溪相宣寧
益使王為賢王屏翰磐石厥用為大諸士子勿
曰吾師官卑人或卑吾師文也

送毆曉山教授建昌王府序

吾庠司訓郴陽毆君以資望晉秩 淮府建昌
王教授庠諸弟子員飽厥教養重難厥別屬予
言以贈 朝家設官外重王府群僚固謂藩服
之貴而磐石之宗也其教授官雖卑職在養正
王子第我聞之曰世祿難與言禮矧王子第祿
滋厚勢滋易茂禮方其幼冲學主先入卽與正
人俱聞正言見正事正正長罔不正矣是故輔
弼之力難而蒙養之效大歐君勉乎哉歐君教
吾庠幾年矣學有淵源身先敬慎漸磨課績章

程條理對諸弟子譚吐徹見此心無少回伏是
故諸弟子行學駸駸長嘗語諸弟子曰學官寒
邇來風益下甚乃壟斷生徒催科夏楚俚言市
氣罔羞則何異乎上官之我鄙也諸生善助我
無令即此是故諸弟子行學日益雅噫毆君賢
乎哉可以正王子第矣 聖天子丕揚 祖訓
藩府罔不正矧淮府又夙以賢德聞君之教固
易行乎哉漢史稱賈誼相長沙不使風土心用
菟抑宋儒惜其才大志小淮府建在饒與柳陽

同楚地風土攸宜於君又甚便即賈誼不如君

同楚地風土攸宜於君又甚便卽賈誼不如君
之教固易行乎哉王相尊嚴細旃富貴西風送
雁春樹依雲十年舊游風景在目君還雞澤思
乎則請無忘禮正庠弟子者

贈仁軒韓先生再榮憲獎序

孔子曰居下位而獲上也信朋友乃今徵之
韓仁軒云比吾郡侯蓮川瞿公拔十庠士子尤
群之漳川書院篤教養儲科目也時則仁軒以
成安廣文承選領教事再閱月巡撫吾臯喻公

檄獎又再閱月巡撫雙石葛公檄獎兩公者

朝廷股肱大臣也所操大憲度凡幾地方大利
病保釐大條件凡幾吏縣令而上人凡幾乃亦
仁軒知乎漢史曰善事上官無失名譽夫媚雖
否德必有具而後能為廣文在百司稱聞冷士
子業課外無可自表見即欲炫林獵名其道無
繇且撫臺不顯文事若一切奔走僕僕順意肯
歡顏色廣文不得與也矧兩公正大非可以不
道說者仁軒之獎榮乎哉初吾臬公獎也院諸

名士謀言贈用仁軒意止今茲再獎諸名士贈
言若將後也差乎仁軒何以得此諸名士哉槩
觀今百司舉職唯廣文難為其位卑而無權也
且所課獨士士固不可任法為者又讀書識理
義廣文稍背鄙虧模範輒遭輕訾况在書院士
非顯屬而統之者上官乎此其勢舉職又難吾
聞常君毅齋曰仁軒院教奉蓮川瞿公約束唯
謹與諸士翼如也唯寬且其言曰學以人倫為
大吾輩立志當作陸忠宣范文正向上人物又

曰士敬修外乃窮理是急文其餘事也凡戡聖
賢書不可先着己意橫成說只將本文平心易
氣讀下繹思當自解也乃可照朱註其有不合
不厭反復思也思則得之矣又曰今舉業文字
敝甚任意說去不顧理路不體貼氣味不辟重
疊汜濫難澁晦弱粗促滯稚甚乃按題誦記刻
本文若將抄寫然此又何也凡爲文須理明氣
裕二者備矣却用識得前輩如蔡虛齋敖清江
批選文字作何氣象真傳海內名人文字作何

氣象先秦兩漢四大家文字作何氣象即胎骨

批選文字作何氣象真傳海內名人文字作何

氣象先秦兩漢四大家文字作何氣象即胎骨
定格調高蒼蔚之氣充周筆下脫去前諸敝矣
有味哉其言之也且師體當如此宜諸名士人
人說蒸蒸日上益進也於科目乎何有蓮川公得
人哉吾臯雙石公知人哉此所謂信友獲上有
人曰仁軒非明善而誠身也能說親也可乎哉
按當道尊賢例任淺獎久任而賢彰薦薦也銓
曹積侯大取用宦成而成身

仁賢

安乎哉薦者種種至矣毅齋名繼勛吾庠名士

也寔吾媿寔借諸名士須吾言

送殷東翁改訓趙城序

關中東谷殷君分教我庠未期歲以省冗例改
官平陽之趙城門下群弟子員重難君別則謁
予言以贈予作而歎曰懿哉殷君乎何其教人
速而普也廣文官冷或乃頽風催科夏楚聽信
親昵用愛憎行高下即在位士子謹譁離矣矧
其去也悵悵如有失皇皇如有求乎懿哉殷君
何其教人速而普也君性闓爽簡直對弟子員

何其教人速而普也君性聞爽簡直對弟子員
談吐傾見底裏論文析義聲所知若遺待諸士
捭脫一切毀譽要在成就安全之弟子員衆矣
罔不頌君德者君真廣文哉平陽人士高三晉
趙城在平陽又為上邑君推所以教我庠者行
之久即趙城善人滋多也固宜我庠士子難君
別哉 廟堂方並用三途興起賢傑如君潛修
萬志豈真見蹟一廣文已哉在昔曹月川教士
晉南媲美胡蘇湖迄今數理學名臣為月川屈
一指緘攝身心揮霍事業月川便可到不負

廟堂與賢意卽我庠藉有寵光君其有意乎平陽廣文王覺齋君者予友也君如過平陽幸為予寄聲曰平陽善人多何似哉遲與趙城考

固村霍太翁榮贈序

聖天子御寓普恩海內士人宦于京得以其官官其親刑部主事曲周健齋霍君維蓋與焉君父固村翁其實尹山西之和順與君母劉偕不祿矣君領茲贈典得無哀痾乎曲周在吾郡名望邑霍氏又為曲周望族健齋君自其曾大父

望邑霍氏又為曲周望族健齋君自其曾大父
以詩起家經傳科第世世予識健齋君十年前
則心服其剛明簡雅都無富貴氣習蓋足任天
下事云即曲周多人士如霍君者豈易當哉予
生也晚不及奉固村翁風度見健齋君則如見
翁焉今茲明典贈也翁夫婦為有子不負生前
教應欣欣九泉樂矣健齋君高志雅量誠不以
榮遇異忠蓋顧聖天子在上波及二人于人
子心寔慰念二人不及以祿養所為劄書香傳
清白用光乃祖考不曰誠忠乎刑曹者天下之

命係焉核情比法貴于允當洗冤弼教于是乎
在朝家嘗以曹之賢游階台鼎健齋君勉乎
哉固村翁贈典行與其祖若考源源未艾也君
族之人喜君遇將隨黃焚拜君父母阡次屬君
從弟仰齋君維北斲予言以紀予既識君又與
仰齋君善則亦何可以不文辭抑予讀蘇老泉
洵蘇氏族譜亭記誠有味乎其言仰齋君與族
人對如燕私暇可取其逝觀乎則予言也足爲
健齋君重

健齋君石重
賀陳蓋齋令母榮封太宜人序

頃者 聖天子普恩海內士人宦于京濡澤更
渥選曹郎曲周蓋齋陳君于陞得贈父如其官
母張氏封太宜人君弟邑庠弟子員于階諸文
會友趙子愈光輩欣茲榮典蘄予言侈賀夫學
者所以學爲忠與孝也陳君官凡幾載則旣移
孝以忠矣乃今 朝典獨母氏在陳君兄弟拜
君命念父不及生榮得無悵恨脉脉乎卽其
母氏得無重病其良人不祿乎則所以事一人

養壽母者宜益匪解無方矣陳子雄文雅志文
會友所推重行繼其兄翺翔科第羽儀朝野偕
孝以入偕忠以出友于之篤即臣子之純則諸
文會友平日所講貫確切者益爲有用實學即
諸文會友叢晉宜思爲陳子兄弟良不後鄉評
以光賢科茲賀也尚亦益榮哉在昔毆陽文忠
公文行高一代官幾三公年垂六十始爲隴岡
旣舉君子或譏焉爲其有待而遲也夫求其志
而不得明慎衰矜于是乎備宜乎其有子養之

厚不如養之薄予蓋百讀不厭焉陳君筮仕實

厚不如養之薄予蓋百讀不厭焉陳君筮仕實
司大郡理賢聲燁燁無二豈其翁家訓所就求
人之生而不得者耶念父不及養則祭宜厚念
母獨在則養宜厚古人以輕重君兄弟得兼况
重之以 朝命視文忠公遲舉為賢游官如文
忠表附益顯榮乎哉榮乎哉予無以復趙子詩
味宜兄弟樂妻孥而孔子贊之曰父母順高山
仰止景行行止求仁者取焉君子以文會友抑
不有輔友者乎予無以復趙子



鈍菴先生文集卷之八

鈍菴先生文集卷之九

鈍菴先生文集卷之九

前翰林院庶吉士雞丘鈍菴劉錫著

男 孟源 編

孟池

壻康應乾校

序四

賀袁環川登科序

邑人李子植舊嫺曲周環川袁君泉袁君領秋
薦李子榮之謁予蘄言以賀夫嫺誼繫于人頗

重周家教民六行嫺處四予故知袁君雄材博
學善文章謂君豪邁獨徃日晤君郎希董所君
也退讓循循言如不出諸口予因心計曰袁君
殆古篤行士耶其學充其材邃其文章發其所
自信者耶何言貌雅也近時士大夫寡允踐平
居譚道德纒纒可聽卽與嫺家處或陽合陰間
嗤直道拙誠心甚乃低昂貧富淘籟升沈矧篤
行如袁君耶袁君耕學世家從兄袁執夫尹曲
沃政行知當路其於教民嫺宜不後袁君明年

沃政行知當路其於教民媮宜不後袁君明年
太魁天下士文章飾治理人將不言以信袁氏
家學駢媿有官引年縣車作清貧退讓君子李
子農而樸不解紛華未習通家素好講世世袁
君忘李子農李子亦忘袁君官有人續明名臣
錄袁君定與李子真饒榮哉予晤袁君自慙側
珠玉無以贊袁君朱陳雅俗實重望袁君穀鄉
黨李子慎無以貧賤自下

賀袁存菴登科序

八峰姚君致書屬余云壻袁子執夫領今年鄉

薦予夫妻相對欣欣喜知執夫尊翁訥菴君夫妻相對欣欣喜予知訥菴君在齟齬時日資切磋實爲貧賤交建訥菴君生執夫子亦生女年相近予遂女歸執夫云執夫性穎異絕肖訥菴君訥菴君又善子教肆執夫學殖日富戡書不泥註脚擬推見立言正意作場屋文字必發所見乃其麗藻脗合縣格是故知名十年前十年前大文宗桐城阮公校吾郡士時予尚業鄉校阮公得袁子卷賞不容口且多予得佳壻時袁

子尚未冠袁子茲舉蓋稱遲遇云天將大與人

阮公得袁子卷賞不容口且多予得佳婿時袁
子尚未冠袁子茲舉蓋稱遲遇云天將大與人
柄必老其才而後榮之是故窮鄉寡喬木深山
足棟梁袁子遲遲榮遇豈天將棟梁之也古人
貧賤交迄富貴世嫻絡繹予與訥菴君少各負
時名予既慵踴躍如許無能爲袁子光訥菴君
又抱拙先予卒業太學百年世好將袁子是大
世道日澆文人多置一第胞中服有官政教與
位長甚則獵貨肥家罔忌袁子明年且魁天下
士官矣逐時循循何以為執夫予既把酒賀訥

菴君且觴袁子謂之曰 聖朝官人多以孝子
定忠臣古人平天下必自齊家始予女拙無能
順執夫職內饋如禮詩稱刑于傳言養志袁子
當不負所學袁子拜是予言予與訥菴君則又
欣欣喜遂暢飲盡醉歸敢假君言文之然竟亦
不能加姚君言也

贈秦蘭坡登科序

曲周仁山聶君與予為同年友聶君舊向予說
其文會友秦子美兄弟高才雅志勤學無少懈

究竟比日科第中人也乃嘉靖辛酉歲子美兄弟

其文會友秦子美兄弟高才雅志勤學無少懈
究竟皆科第中人也乃嘉靖辛酉歲子美弟子
敬領順天府鄉薦今歲甲子子美又領順天府
鄉薦聶君固知人哉秦君少孤家務填委秦君
家計眎厥考轉溫足又能同厥弟勤舉子業不
廢真刻苦志士哉邇來士子惰學渾無文會日
協損友杯酒笑談爲常乃秦君兄弟敬禮聶君
主會祈疑議論文體考德行裨益弘多宜乎荐
晉榮哉宋賢兄弟道德稱兩程文章稱兩蘇科
第稱兩宋秦君兄弟明年對策大庭有如子敬

先子美 聖天子以人倫教天下必以先魁子
美翁後子敬如宋郊宋祁故事秦君自學舉子
業業厭時文義篤志先秦兩漢盛美則其文章
行後東坡賴瀆名兩秦聶君孝弟子所稔秦君
道德相考緘攝身心揮霍事業即兩程夫子可
與爲徒 聖天子譽髦大化天下稱仰豈徒郡
邑之榮文會之光家門之福耶聶君需予言合
其諸會友賀秦君此燕也或者八峰姚君東隅
秦君在乎聶君幸爲予告諸君曰四海之內皆

兄弟也

贈岳三峰登科序

前歲予於嫺家見劍西胡公考取書院士子卷
其題目是經正民興云在曲周二人一爲袁子
執夫一爲岳子
袁子作氣象蒼蔚照舊森
嚴岳子作意見新奇詞藻煥發予則心多之後
知岳子爲仁山聶君文會友聶君性資稱穎異
戡書作文綽有佳致岳子之才之學善矣豈其
文會漸磨日益耶古之人有言文章與時高下

予妄爲之說曰人才與地盛衰 聖天子久道
作人天下同文士子文罔不稱焉乃若地益靈
則人才益盛予於曲周乎徵焉頃年曲周夥科
第觀感起發後生才力過人少加勤勵便成美
器此如巨家女兒曹蠶桑麻泉紡紝針繡種種
有人習與性安嫁則稱佳婦雖謂地靈可也岳
子外大人是李公登嘉靖癸未進士第官脂膏
林略不自潤乃竟無後曲周人士迄今歎惋岳
子自是榮矣豈天以報李公耶漢伏生老矣以

女授古文五經晁錯假令伏生無女晁自從伏生

子自是榮矣豈天以報李公耶漢伏生老矣以
女授古文五經晁錯假令伏生無女書從伏生
喪矣司馬遷史高萬代其外孫諸楊家紹其學
群躋大位天之福善人不於其身則於其後人
不於其子則於其女李公經學豈岳子母氏有
傳耶吾聞岳子第材質類岳子群躋大位如外
孫諸楊必矣天道豈遠哉聶子予同年媼家將
同其諸文會友贈言岳子予又心知岳子故不
以不文辭

賀趙望川登科序

今年秋當大比吾庠望川趙敏卿君以蔡氏書
領薦順天府高第邑大夫士榮之屬予言偕賀
予曰是宜賀 朝家官人最重科第試攷名臣
錄科第人居十七八故士窮經求志以是爲的
謂其獲上治民易足樹勛庸流芳竹帛非以寵
榮富貴爾也趙君年餘三十在鄉薦稱遲明春
大魁天下士服官蒞政尚先疆而仕展布窮所
養作大勛名實宗社無疆庶匪直桑梓光重是
宜賀趙君高大父奮蹟賢關正統景泰間累官

南京刑部員外郎朝慎忠勤宦業懋過首鄉賢

宜賀趙君高大父奮蹟賢關正統景泰間累官
南京刑部員外郎明慎忠勤宦業懋過首鄉賢
祀瞽宗遂用書香作析薪子孫分何負繩繩未
艾趾媿仕途殆十人故趙宗在吾邑名舊家其
人多聰穎云趙君曾大父早世厥妃王苦節育
孤克紹祖緒觀風者以聞 旨褒焉趙君父濯

川公實長予同爲博士弟子員予與二三同志
友敦主文會談經析義大振宗風指南弘多迄
訓樂平會寧晉教授周府行業無忝員外公趙
君更以沉潛濟特達大充所養日新無替用承

濯川公志業於其宗窮經爲養成科第爲創始
是宜賀予幼讀朱詩竊疑斯干之雅落成宮室
福祉何限乃首祝兄弟好無尤豈帝王家政與
士庶異耶茲履中年粗閱人事始知父母易順
兄弟難翕孔子贊棠棣語切近人情非玄遠愈
有味乎斯干祝也趙君兄爲趙愛卿雅樸自喜
都無紛麗浮險態子一科少耳善讀書行文足
伍趙宗賢趙君得賢猶子養賢兄因心友于更
易以此順母氏慰濯川公乎樂哉趙君家慶也

士人履宦易用居移太剛易折太柔易辱予蓋
罹一焉趙君充養粹邃知柔知剛洵成望實敷
歷中外縣車暮年仍作清貧秀才家嗣趙君科
第賢子弟未以矜式有詞乃爲善述濯川君事
大荷員外鄉賢公析薪鄉人益贊王節婦有後
卽宗諸先達滋光顯科第真榮哉諸大夫士僉
曰君言似可爲趙君贈予不讓遂書之

賀郎獻齋登科序

予兩愚兒子受學立亭杜君杜君以其舊門人

齊生君佐見且曰此生父齊子宗堯姬曲周郎
介川君吾邑李氏此生後亦從介川君子獻齋
希董君學希董君第此生父子親情師誼不能
已已將諷曰賀君可假之言不予曰希董君第
也鄙屬有敘言附蘭坡秦君矣茲復贅之言不
可杜君曰雖然絳斷君一言予不得已則謂杜
君曰昔者子路妻兄弟彌子妻子路實門人高
弟子列政事科孔子至不屑彌子主此其人品
縣遠明甚介川君父子曲周人士高之茲齊子

賀介川入其賀得無以齊子賢乎曾子繼統孔
子其門人至有吳起功名易母妻曾子絕焉齊
生從君學知齊生自處不肯後人其學希董君
應如學君齊生真君弟子是真希董君弟子賢
哉兩父子賀宜也孔子擇壻得南容公冶長介
川君齊子近之孔子孫子思學會子蓋由曾繼
孔吾重望齊生善學希董君庶幾兩大賢也齊
生弟它年與希董君並應李氏宅相即介川君
齊子益光君教益偕希董君顯斯可以贈不杜

君曰可哉遂緝而歸齊主

賀苗實齋登科序

予內弟曲周戴子應聘與實齋苗秀卿君友齧
齧秀卿今秋榮薦順天府戴子欣欣喜為謁予
言從諸友後展賀秀卿家計素歉寔為戴子貧
賤交秀卿上薦榮矣戴子賀秀卿若後豈秀卿
友誼堅不以榮渝用能起戴子耶古人游晉樞
要締媼世世不絕乃其始更僕判瓊貧也則秀
卿是乎天降大任于人必先苦心志空乏其身

士值此王成者何限或以凶歲暴襲天甚矣辟
之深山大澤扶搖氷雪黯淡于是乎豫章挺榦
于霄足任 廟堂梁棟彼凡卉靡矣秀卿幼學
裕如豈孔子所謂貧而無怨者耶年才踰弱冠
便捷文戰明年南宮選易耳茲歲寒豫章速材
也固善事天哉秀卿且守官對一切紛華勢利
回眎十年前菜根滋味清雅何似把得隱居志
固卽百事可做秀卿縣車暮年克遂初服紉蘭
扈芷宿莽青青鄉之人望之欽且悅曰此四十

年前清貧秀才也今仍爾耶則秀卿茲榮矣戴
子年來貧甚慚予無能周豈天意乎顧有益友
如秀卿定能相觀起也予既爲秀卿賀且念戴
子感脉脉矣

贈牛國華登科序

號承菴登
甲戌進士

國華者養菴牛君伯子也生而穎異讀書善領
略作時文義殊敏順雅合縣格方養菴君宦游
時國華少耳志學如對養菴君君子曰養菴君
有子哉乃今歲榮領順天府鄉薦初養菴君薦

于鄉年才二十有六國華茲寔二十有六君子
曰養菴君有子哉養菴君簡直夷粹都不以名
位塵胸次鄉人士與處者油油如也國華信行
實克肖君子曰養菴君有子哉世有名山大藪
人因樵采其間天地所生雨露所養榎楠豫章
合抱凌空蔽虧日月足梁棟明堂宗廟禮也養
菴君大抱猷為官甫僉外憲受詘來林下人則
惜之宜乎國華游晉榮哉宋王祐以大人詘小
官手植三槐其庭前曰吾子孫必有為三公者

其子旦竟久作真宗太平宰相養菴君今之王
祐也城南多閭爽地卽此開堂植三槐可也國
華明年當大魁天下士請無忘王子明行業經
綸養菴君所未畢 朝之名臣乃養菴君之令
子八峰諸君以為何如

賀瞿蓮川公子初晉序

蓮川翁守我廣平時則携其公子以來妙選其
師友而時課其行業學殖蓋駸駸長也頃督學
侍御肖玄于先生按廣平若曰官寮隨任子若

弟聽偕試乃瞿公子試如例肖玄閱其文嘖嘖稱美遂寄充我郡庠弟子員君子曰懿哉蓮川翁也乎正身閑家而達之治周子曰家難天下易今之郡固古之國而天下之本也是故守官者家難而郡易初翁來守申嚴約束振起頽墜計士之或懈于修也是故拔諸士充教之漳川書院以為衆興計官箴民命之毀于奢也是故躬儉素嚴科條以預防上下之流計風俗之日詭也是故養正刑邪剷淫育稚植弱繼絕以衛

而復之厚人間一切利病不啻若慈母于赤子
詳計力為之期在頓興盡革一之月人視聽易
二之月人趨向移三之月人蒸蒸之善不可已
士安其學官安其常農安其晦工賈安事其事
即今旱儉甚問閭按堵不移逋咨怨諸當道禮
翁若後顛顛待刻薦此豈非古所謂良二千石
哉觀翁政者槩歎翁不可及予謂此翁正身之
微効而閑家之緒餘也凡人之于子孰不欲其
似哉溺愛者不肯教相夷者不能教困官務者

似哉淑愛者不月教相夷者不能教國官務者

不假教雖有微質罔不惡矣翁稟賦高明養以
聖賢之學應變機發案無留牘庭無滯人固應
義方式穀不言有孚也而何有于郡哉古所謂
修身齊家以治國平天下者翁豈非其人哉蹟
翁勛名行當由三輔漸階司轄 甲殿調鼎實
大綸音肥已瘠之民醇久漓之俗廣乎天下予
于公子之晉乎必之昔漢世祖中興南陽一時
共事諸賢大抵其近鄉人也 聖天子龍飛楚
甸雲從諸公固皆崇勛極寵矣翁以湖湘之賢

濡久道之化方嚮用名世而又有子克家自今
翊運嘉靖末熙大明以超兩漢比隆商周之世
者端豈外翁家哉予未老當跼伏草莽他日用
野史擬世家為翁父子盛美實錄也

麻生初進序

前歲家兄以次子締姻曲周麻氏居鄉稱善人
子宗義向學惟敏家兄時時為予言麻宗義生
異材也予則私識之今歲督學侍御馬公來按
我郡先期諸邑長吏以邑檄合所部業儒良家

子通試去取之以上郡麻生則居其邑優列郡
侯合諸邑所取良家子覆試去取之以上督學
院麻生則居其邑優列迨馬公合郡侯所取良
家子嚴試去取之麻生則又居其邑優列此謂
非異材也可乎今月中生以親姻謁予觀其像
進退協度聽其話言不悖鄙問其經疑義應如
響不滯此謂非異材也可乎抑予有材之說自
得之學圃而欲告之生也圃之莠樹必先擇地
得良地必擇木美者莠之舒其本實其築勤其

灌溉木於是乎生矣期年枝數年大茂十數年
蔭晦材可大厦榱棟此良圃也士之藉慶前人
猶地焉資性欲疏達猶美木焉學有序近裏而
深造猶木之藝焉其日進以成掇巍科占仕策
行所素志霖雨生民桂石廊廟此木之茂而蔭
榱棟大厦也麻生家世忠厚而性聰穎脫悟出
恒流則所謂地良木美者蓋兼有之所未定者
學也曲周在吾郡名望邑而生所從授講為樂
溪孫先生樂溪先生予審其為誠篤君子且居

趙君西館趙君於生為表父行予又知其教子
嚴也則生之學得之師友者必良多雖然傳在
師而習在我也夾持在友而受在我也麻生亦
盡其在我者乎今世士風頗日下趨走少游學
海未窺涯涘一預時名便自是自高視其行蔑
如也視其師若一切先達輩蔑如也此樹木而
自蹶其本也烏乎茂吾固知生必不至此也如
有萌焉勇克之可也不然且漸長矣良師友如
之何哉雖然傳在師而習在我也夾持在友而

受在我也知學而受矣則不可迷所擇也今之
習舉業者數取書坊刻賣時文擇而誦熟用利
剽竊聖賢大義理大章段顧不理會或拘拘經
傳為史取足通鑑節要諸書取足性理大全餘
若長物然即先秦兩漢文字未嘗一覩玩其時
之政務更相踈遠幸知此之學則又略行檢不
修此藝木而先屈其本也雖實築而勤灌烏乎
茂吾固知生必不至此也家兄欣生榮晉謂予
為文合趙君賀之予素戇且重惜今日朋友道

廢而勸德業者寥寥也故粗
生慎毋如我為劣老圃哉家兄
者先姻婭家兄生之同邑光前也



鈍菴先生文集卷之九



















浙江圖書館善本

甲登記號：021671

一九 年 月 日







TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
------	------	-------	--------	-----	---------	-------	---------	-------